

Den AMBIENTE



POETS

VICENTE KELLY LO LANSA UN C.D. DEDICA NA DIA DI BETICO CROES...

** E cantor di pueblo Vicente Kelly lo bay lansa un C.D. cual e biaha aki e lo dedica specialmente na DIA DI BETICO CROES. Actualmente Vicente Kelly ta trahando hopi duro den Aruba Recording Studio pa finalisa cu e grabacion, pa asina e por ta riba mercado prome cu dia 25 di januari. Por a compronde cu apesar cu e tempo ta relativamente corto, tog Don Antonio Lacle ta hasi lo maximo pa e lotenan lo ta riba mercado prome cu dia di Betico Croes. Riba e C.D. aki por spera 8 cancion criollo naturalmente den e estilo unico di Vicente Kelly. Tambe lo aparece riba e C.D. aki un cancion cu sigur lo bay hasi un impacto, cual ta esun "ARUBA SU BERDAD" canta pa e joven Elton Kelly. Pues nos ta keda pendiente pa e C.D. unico aki dedica na nos libertador BETICO CROES...



** Elton Kelly y su tata Vicente Kelly den pleno grabacion pa e cancion "Aruba su berdad"...

CARLOS OLARTE MUY PRONTO LO LANSA SU DISCO COMPACTO...

** Diaranson ultimo Carlos Olarte a finalisa cu su grabacion pa un disco compacto. Ta trata di un C.D. romantico di 8 cancion. Cu e produccion aki Carlos Olarte lo lansa su mes como solista. Por a compronde cu dentro poco su hit promocional lo cuminsa resona riba nos radio-emisoranan, cual ta uno specialmente dedica pa dia 14 di februari cual ta e dia di enamorado. Tambe informacionnan ta indica cu e C.D. mes lo ta riba mercado asina e temporada di carnaval termina. DEN AMBIENTE ta desea Carlos Olarte hopi exito y suerte cu su C.D. y futuro proyectonan...



** Aki por aprecia Carlos Olarte hunto cu Hubert Thiel, Antonio Lacle y Lourdes Geerman tras di e mixing board finalizando e grabacion den Aruba Recording Studio..

BASIC ONE TAMBE LO RESONA DURANTE CARNAVAL...



** E popular grupo di rap BASIC ONE a laga sa cu nan tambe lo resona durante e temporada di carnaval. Actualmente nan ta tra-

hando riba nan produccion den Crystal Sound Factory hunto cu Hildward Croes. E

grabacionnan ta hopi avansa y no ta falta mucho pa nan

los nan cancionnan y asina pone tur hende den movecion pa Carnaval 43. Nan lema ta cu "Den '97 Basic One ta fura fura cu pikete"...